



Kalaallit Nunaanni illunut inissianullu Radon-ip qinngorneranut illersuutilersuinissamut periarfissanik misissuititsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup imarissavaa pisortat ingerlataanni illuni aamma naammineq illuni inissianilu pisortanit pigineqartuni arlalinni periarfissarsiornissaq. Kingusinnerpaamik 2023-mi ukiaanerani ataatsimiinnermi misissuinermit innersuussutit saqqummiunneqassapput.

(Inatsisartunut ilaasortaq Mariane Paviasen, Inuit Ataqtigiit)

(Siullermeerneqarnera)

Qujanaq Inatsisartunut ilaasortamut Mariane Paviasen-imut siunnersuummut uunga.

Demokraatit siunnersuuteqartoq isumaqatigaat uani, illuni inissianilu radon ajornartorsiutaasoq, ilumoorussassarput. Radon puakkut kræfteqalersinnaanermut annertusaattaavoq, tamannalu annertunerusinnaalluni, pujortartaraanni.

Radon toqqaviup ammanerisigut illutsinnut isaasarpog. Taamaattumillu illutsinni radon pinaveersaartissinnaavarput nutaanik illuliornerni, nutarterineri illunilu pioreersuni iluarsartuinerni ukkatarineratigut.

Taamaattumik iluarisimaarparput, Naalakkersuisut illuni privaatimik pigineqartuni radon-imut illersuusernissamut aningaasartuutitut atorniarsinnaanermut periarfissiinissamut piumassuseqarmata, aammalu Naalakkersuisut pitsanngorsaait taakku tulliani illunut aningaasaliisarnermut inatsisip kukkunersiorneqarnerani tullermi ilanngunniarmatigit, Inatsisartunut 2023-imi saqqummiussassatut naatsorsuutigineqartumi.

Taamatut oqaaseqaatitalerlugu Naalakkersuisut allannguutissatut siunnersuutaat akuereqqullugu innersuussutigineqarpoq ataatsimiititaliamilu susassaartumi suliareqqinnissaa innersuussutigineqarluni.